

MEDICINSKI FAKULTET UNIVERZITETA U SARAJEVU

Broj 02-3-6990/17

Sarajevo, 12.12.2017.god.

UPUTSTVO ZA PISANJE IZVJEŠTAJA ZA IZBOR U NAUČNONASTAVNA ZVANJA NA MEDICINSKOM FAKULTETU UNIVERZITETA U SARAJEVU

PREAMBULA

U preambuli pozvati se na odgovarajuće članove Zakona o visokom obrazovanju KS i Statuta Univerziteta u Sarajevu, te navesti kojom odlukom Nastavno-naučnog vijeća i od kojeg datuma je imenovana Komisija za pripremanje prijedloga za izbor nastavnika i saradnika (naziv oblasti i predmet, ime i prezime članova komisije, zvanje, naznaka naučne oblasti-predmeta i naziv visokoškolske ustanove). U slučaju prijevremenog izbora pozvati se na odgovarajuće članove Zakona o visokom obrazovanju KS i Statuta Univerziteta u Sarajevu.

Primjer preambule:

Na osnovu člana 106. i 107. Zakona o visokom obrazovanju („Službene novine Kantona Sarajevo“, broj 33/17), članova 92. i 166. Statuta Univerziteta u Sarajevu (**Ukoliko se izbor člana akademskog osoblja vrši prije isteka perioda na koji je biran, u preambuli se potrebno pozvati na član 115. Zakona o visokom obrazovanju KS i član 155. Statuta Univerziteta u Sarajevu**), te odluke Nastavno-naučnog vijeća Fakulteta broj :....., donesene na redovnoj sjedinici održanoj godine, Dekan Fakulteta donio je Rješenje broj od godine) o imenovanju Komisije za pripremanje prijedloga za izbor za naučnu oblast u sljedećem sastavu:

1. Dr. sci. Ime i prezime – predsjednik, redovni profesor za naučnu oblast, fakulteta Univerziteta u
2. Dr. sci. Ime i prezime – član, vanredni profesor za naučnu oblast, fakulteta Univerziteta u
3. Dr. sci. Ime i prezime – član, docent za naučnu oblast, fakulteta Univerziteta u

Navesti kada je i u kojem javnom glasilu objavljen konkurs

Na Konkurs raspisan godine u dnevnom listu i web stranici Fakulteta prijavili su se kandidat/i:

Navesti imena svih prijavljenih kandidata

Ukoliko se na konkurs prijavi više od jednog kandidata Komisija podnosi **jedinstven** izvještaj o provođenju konkursa sa prijedlogom Komisije **za sve prijavljene kandidate**.

Nakon uvida u dostavljeni materijal Komisija za pripremanje prijedloga za izbor nastavnika u sva zvanja/asistenata/viših asistenata, sa punim radnim vremenom/sa dijelom radnog vremena za naučnu oblast podnosi slijedeći izvještaj:

IZVJEŠTAJ

1. Biografski podaci

Navesti sljedeće podatke (sažeto):

- a) datum i mjesto rođenja;
- b) tok školovanja: (fakultet, sa naznakom gdje je završen, uspjeh u studiju, poznavanje stranih jezika-ukoliko imaju dokazi u vidu certifikata i potvrda i sl.);
- b) specijalizacije, magisterij (poslijediplomski studij) i doktorat nauka **sa nazivom teme**, uz naznaku institucije, mjesta i datuma gdje su završeni;
- c) studijski boravci u zemlji i inostranstvu;
- d) stručna i naučna priznanja, pohvale i nagrade za naučno-nastavni i naučno-istraživački rad;
- e) kretanje u službi i napredovanje sa nazivom i vrstom poslova koje je obavljao i koje obavlja u vrijeme izbora.

2. Radovi kandidata

U izvještaju navesti radove objavljene u cijelosti (*in extenso*) koristeći **Vankuversku nomenklaturu** i razvrstati po sljedećim grupama:

a) radovi objavljeni **prije posljednjeg izbora**

- Naučni radovi (*original paper*) objavljeni u časopisima koji prate relevantnu međunarodnu bazu podataka
- Stručni radovi (*professional paper*) objavljeni u časopisima koji prate relevantnu međunarodnu bazu podataka
- Revijalni članci objavljeni u časopisima koji prate relevantnu međunarodnu bazu podataka
- Studije slučaja objavljene u časopisima koji prate relevantnu međunarodnu bazu podataka
- Ostali radovi

b) radovi objavljeni **nakon posljednjeg izbora**

- Naučni radovi (*original paper*) objavljeni u časopisima koji prate relevantnu međunarodnu bazu podataka
- Stručni radovi (*professional paper*) objavljeni u časopisima koji prate relevantnu međunarodnu bazu podataka
- Revijalni članci objavljeni u časopisima koji prate relevantnu međunarodnu bazu podataka
- Studije slučaja objavljene u časopisima koji prate relevantnu međunarodnu bazu podataka
- Ostali radovi

Primjer navođenja radova:

Babić N, Avdagić N, Kurspahić E, Zaćiragić A. Prediction equations based on serum creatinine concentrations in estimating glomerular filtration rate in patients with chronic kidney diseases. *Folia medica* 2014; 49(1):59-67.

Napomena: Za izbor u naučno-nastavno zvanje docent ili suradnička zvanja (asistent, viši asistent) navesti sve radove bez razvrstavanja u skupine prije i poslije posljednjeg izbora, hronološki (od novih ka starijim) po kategorijama:

- Naučni radovi (*original paper*) objavljeni u časopisima koji prate relevantnu međunarodnu bazu podataka
- Stručni radovi (*professional paper*) objavljeni u časopisima koji prate relevantnu međunarodnu bazu podataka
- Revijalni članci objavljeni u časopisima koji prate relevantnu međunarodnu bazu podataka
- Studije slučaja objavljene u časopisima koji prate relevantnu međunarodnu bazu podataka
- Ostali radovi

U izvještaju se navode ISKLUČIVO radovi koji su objavljeni do zatvaranja konkursa (zadnjeg dana do kada je konkurs otvoren).

3. Objavljene knjige

Za izbor u naučnonastavna zvanja *vanredni profesor* i *redovni profesor* **objavljene knjige** razvrstati u skupine:

- **prije** posljednjeg izbora u nastavno-naučno zvanje
- **nakon** posljednjeg izbora.

Za izbor u zvanje docenta ili suradnička zvanja (asistent, viši asistent) navesti sve knjige hronološki (od novijeg datuma ka starijem).

Knjige razvrstati po kategorijama:

- Recenzirana univerzitetska izdanja
- Recenzirana fakultetska izdanja
- Monografije
- Priručnici, praktikumi, vodiči i sl.
- Nerecenzirana izdanja

Primjer navođenja knjige:

Dilić M. Klinička angiologija: dijagnostika i terapija oboljenja krvnih sudova. Sarajevo: Medicinski fakultet u Sarajevu; 2011.

Suljić E, Imamović DŽ, Musić M, Heljić B. Aktuelni moždani udar – hronična komplikacija dijabetes melitusa. U: Heljić Bećir i saradnici. Dijabetologija. Sarajevo: Medicinski fakultet u Sarajevu; 2011: 259-279.

U izvještaju navesti ISKLUČIVO knjige koje su objavljene do zatvaranja konkursa (zadnjeg dana do kada je konkurs otvoren).

Napomena: Članom 100. stav 1. Zakona o visokom obrazovanju Kantona Sarajevo definisano je šta se podrazumjeva pod pojmom objavljene knjige.

4. Domaći i međunarodni naučno-istraživački projekti

Navesti sljedeće podatke o projektima:

- naziv projekta,
- domaći/međunarodni karakter,
- godina realizacije projekta,
- nositelj projekta,
- finansijer projekta,
- način učešća u projektu – npr. voditelj projekta, učesnik i sl.

5. Učešće u domaćim i međunarodnim kongresima, seminarima, simpozijima, savjetovanjima i ostalim vidovima kontinuirane medicinske edukacije

Navesti tačan datum, mjesto i državu održavanja skupa.

Navesti nazive prihvaćenih referata (autor/i rada, naziv rada, naziv skupa, mjesto održavanja skupa i datum časopis ili knjiga sažetaka gdje je objavljeno, broj stranice).

Primjer:

Mehić B. Specifičnosti biomedicinske edukacije u vrijeme predstojeće integracije Univerziteta u Sarajevu i aktuelnih zakona o visokom obrazovanju i zdravstvenoj zaštiti. Sarajevo 2009. Knjiga sažetaka III savjetavanja «Reforma visokog obrazovanja – primjena Bolonjskih principa na Univerzitetu u Sarajevu». Univerzitet u Sarajevu, 2009: 195-204.

6. Nastavno-pedagoški rad

Ovaj dio referata treba da sadrži cjelokupnu pedagošku aktivnost kandidata. Navesti nazive predmeta koje je predavao na redovnom i poslijediplomskom studiju, istaći doprinos kandidata u inovaciji nastave (uvođenje novih oblasti i novih vježbi u predmet, primjena savremenih metoda, pedagoških pomagala i slično).

Mentorstva okončana uspješnom odbranom magistarske i/ili doktorske teze

Navesti doktorske, magistarske i diplomske (završne) radove sa nazivom teme i imenom kandidata kojima je bio/la mentor, **sa tačnim datumom kada je rad odbranjen**.

U slučaju da kandidat iz objektivnih razloga nije mogao ispuniti uvjet objavljena knjiga i/ili mentorstva za doktorske i magistarske radove, dužan je ispuniti uvjete u pogledu povećanja obima naučnih radova u skladu sa Zakonom (član 115. Zakona o visokom obrazovanju KS i član 159. Statuta Univerziteta u Sarajevu).

7. Saradnja sa institucijama relevantnim za stručnu ili naučnu oblast

Navesti oblike saradnje i nazive institucija relevantnim za naučnu i stručnu oblast.

Navesti učesće u organizaciji domaćih i međunarodnih kongresa, konferencija i drugih naučnih i stručnih skupova (npr. članstvo u organizacionim odborima i stručnim tijelima).

8. Originalni stručni uspjeh, patent i originalni metod

Navesti tačan naziv stručnog uspjeha, patenta ili originalnog metoda. Pod istim se podrazumijeva izum u struci koji dosada nije otkriven ili postignut i koji ima kao rezultat nova rješenja u praksi koja se temelje na naučnoj oblasti u koju se bira kandidat.

9. Prijedlog sa obrazloženjem

U prijedlogu sa obrazloženjem potrebno se pozvati na odgovarajuće članove Zakona o visokom obrazovanju KS i Statuta Univerziteta u Sarajevu. Ukoliko se vrši prijevremeni izbor ili ukoliko kandidat nema uspješno završeno mentorstvo u postupku sticanja naučnog stepena magistra i/ili doktora nauka, pozvati se na odgovarajuće članove Zakona i Statuta, odnosno članove 115. Zakona o visokom obrazovanju KS i članove 155. i 159. Statuta Univerziteta u Sarajevu.

Dati kratak rezime za svakog kandidata (naučni doprinos, pedagoški rad, stručni doprinos i potrebni uvjeti propisani Zakonom o visokom obrazovanju) sa obrazloženjem i činjenicama koje upućuju za izbor najboljeg.

Navesti da li predloženi kandidat za izbor u nastavno zvanje treba održati pristupno predavanje. Kandidat koji učestvuje na konkursu za izbor nastavnika, a koji nije ranije sudjelovao u realizaciji nastavnog procesa na visokoškolskoj ustanovi obavezan je da pred studentima godine studija na kojoj se izvodi nastavni predmet/oblast za koji se kandidat bira i Komisijom za izbor u zvanje održi pristupno predavanje iz nastavnog predmeta, odnosno uže naučne oblasti za koju je konkurisao.

Komisija u postupku izbora kandidata, koji ranije nije učestvovao u nastavnom procesu na visokoškolskoj ustanovi, ocjenjuje uspješnost pristupnog predavanja uzimajući u obzir rezultate

evalucije predavanja od strane studenata. Tačan datum i vrijeme održavanja pristupnog predavanja objavljuje se na oglasnoj ploči Fakulteta.

Ocjena o pristupnom predavanju sastavni je dio izvještaja prijedloga za izbor koji se dostavlja NNV-u.

Primjer formulacije prijedloga Komisije Nastavno-naučnom vijeću:

«Komisija predlaže da se u skladu sa Zakonom o visokom obrazovanju KS i Statutom Univerziteta u Sarajevu, a po osnovu podnešenog izvještaja (ime i prezime) izabere za nastavnika na naučnoj oblasti - nastavnom predmetu (naziv predmeta) u zvanju.....»

«Komisija predlaže da se (ime i prezime) izabere za (asistenta ili višeg asistenta) na naučnoj oblasti-predmetu (naziv predmeta)»

POTPISI ČLANOVA KOMISIJE

Čitko navesti ime, prezime, titulu sa svojeručnim potpisom (kao u preambuli izvještaja)

1. *Dr. sci. Ime i prezime – predsjednik, redovni profesor za naučnu oblast, fakulteta, Univerziteta u*

_____ (mjesto potpisa)

2. *Dr. sci. Ime i prezime – član, vanredni profesor za naučnu oblast, fakulteta, Univerziteta u*

_____ (mjesto potpisa)

3. *Dr. sci. Ime i prezime – član, docent za naučnu oblast, fakulteta, Univerziteta u*

_____ (mjesto potpisa)

Napomena:

Potpisi Komisije moraju biti integralni dio formulacije sa prijedlogom NNV-u, odnosno ne smiju stajati samostalno na izdvojenom listu.

OBAVEZE ČLANOVA KOMISIJE

U skladu sa članom 107. stav 3. Zakona o visokom obrazovanju Kantona Sarajevo Komisija za pripremu prijedloga za izbor u nastavno, saradničko zvanje dužna je dostaviti svoj izvještaj Nastavno-naučnom vijeću u roku od **45 dana od dana isteka roka za podnošenje prijave na konkurs. Uz navedeni izvještaj, Komisija je obavezna dostaviti i popunjen formular Univerziteta u Sarajevu sa podacima za izbor u nastavnička zvanja.**

Izvještaj sa prijedlogom Komisije za izbor u navedeno zvanje obavezno dostaviti u **pisanoj formi (3 originala sa potpisima članova Komisije)** i elektronskoj formi (na CD-u).

Komisija je u obavezi da po okončanju rada i donošenja prijedloga za izbor **sve zaprimljene materijale vrati na Protokol Fakulteta** prilikom predaje Izvještaja.

Putem stručne službe Fakulteta članovima Komisije, odnosno predsjedniku Komisije dostavlja se sljedeći materijal:

1. izvod iz Zakona o visokom obrazovanju KS;
2. izvod iz Statuta Univerziteta u Sarajevu;
3. formular Univerziteta u Sarajevu sa podacima za izbor u nastavnička zvanja;
4. potvrda Stručne službe Fakulteta;
5. konkursna dokumentacija za sve prijavljene kandidate;
6. kopija Rješenja o imenovanju komisije za pripremanje prijedloga za izbor u nastavno/saradničko zvanje.